

7. gr.

49

Síldarútvegsnefnd, sbr. lög nr. 74 29. des. 1934, annast allar framkvæmdir samkvæmt lögum þessum og hefur á hendi stjórn verksmiðjanna.

8. gr.

Nánari ákvæði um framkvæmd laga þessara skulu, ef þurfa þykir, sett með reglugerð.

9. gr.

Með lögum þessum eru úr gildi felld lög nr. 33 23. apríl 1946, um tunnusmiði, og lög nr. 41 9. maí 1947, um breyting á þeim lögum.

10. gr.

Lög þessi öðlast þegar gildi.

Gjört í Reykjavík, 29. maí 1957.

Ásgeir Ásgeirsson.

(L. S.)

Lúðvík Jósepsson.

L Ö G

50

5. júní

um menningarsjóð og menntamálaráð.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

I. KAFLI

Um menningarsjóð.

1. gr.

Hlutverk menningarsjóðs er að styðja íslenska menningu með því að efla listir og vísindi.

2. gr.

Menntamálaráð hefur á hendi yfirstjórn menningarsjóðs. Menntamálaráð gerir árlega áætlun um tekjur og gjöld menningarsjóðs. Skál hún borin undir menntamálaráðherra til samþykktar. Þegar sett hafa verið lög um vísindasjóð og Listasafn ríkisins, skal leita umsagnar stjórnar þessara stofnana um fjárframlög til þeirra, áður en fjárhagsáætlun menningarsjóðs er samin. Tekjum menningarsjóðs og þeirra stofnana, sem reknar verða á vegum hans, má eingöngu verja í þágu sjóðsins (sbr. 4. gr.).

3. gr.

Til menningarsjóðs falla árlega þessar tekjur:

- Gjald af aðgöngumiðum að kvikmyndasýningum og dansleikjum samkvæmt lögum um skemmtanaskatt.
- Allar tekjur af seldu áfengi, hverju nafni sem nefnist, sem ólöglega er flutt til landsins og upptækt gert af réttvísinni, allar tekjur af seldum skipum, sem af sams konar ástæðu hafa verið gerð upptæk, svo og allar sektir fyrir brot á áfengislöggjöfinni, bæði samkvæmt landslögum og lögreglusamþykktum.

50

5. júní

4. gr.

Tekjum menningarsjóðs skal varið til eftirfarandi menningarmála:

- a. Til vísindasjóðs (árlegt framlag).
- b. Til bókaútgáfu.
- c. Til kaupa á listaverkum í Listasafn ríkisins.
- d. Til stuðnings gerð íslenzkra menningar- og fræðslukvikmynda.
- e. Til eflingar þjóðlegum fræðum og athugana á náttúru landsins.
- f. Til styrktar íslenzkri tónlist og myndlist.
- g. Til kynningar á íslenzkri menningu, innan lands og utan.
- h. Til greiðslu fargjalda, sbr. 7. gr.
- i. Til annarrar menningarstarfsemi, að fengnu samþykki menntamálaráðherra.

5. gr.

Að minnsta kosti 5% af árlegum heildartekjum menningarsjóðs samkvæmt 3. gr. a. og b. skulu lögð í sérstakan sjóð, er nefnist stofndeild menningarsjóðs. Höfuðstól stofndeildar má aldrei skerða, en þó er menntamálaráði heimilt, að fengnu samþykki menntamálaráðherra, að verja fé stofndeildar til kaupa á fasteignum, sem notaðar yrðu í þágu menningarmála, svo sem húsnæðis fyrir starfsemi menningarsjóðs og stofnana hans. Heimilt er menntamálaráði að verja vöxtum af fé stofndeildar og tekjum af fasteignum hennar til almennrar starfsemi menningarsjóðs.

II. KAFLI

Um menntamálaráð.

6. gr.

Menntamálaráð skipa fimm menn. Skulu þeir, ásamt jafnmörgum varamönnum, kosnir hlutfallskosningu í sameinuðu Alþingi á fyrsta þingi eftir hverjar alþingiskosningar. Hlutgengur í menntamálaráð er hver íslenzkur borgari, sem hefur kosningarrétt til Alþingis og er búsettur í Reykjavík eða svo nærri bænum, að hann eigi auðvelt með að sækja þangað daglega fundi. Menntamálaráð skiptir sjálft með sér verkum í byrjun hvers kjörtímabils. Skal þóknun fyrir störf þess ákveðin af menntamálaráðherra.

7. gr.

Hlutverk menntamálaráðs Íslands er:

- a. Að hafa með höndum yfirstjórn menningarsjóðs og ákvarða um árlega heildarskiptingu á tekjum sjóðsins milli þeirra flokka menningarmála, er sjóðnum ber að styðja (sbr. 4. gr.).
- b. Að annast yfirstjórn Bókaútgáfu menningarsjóðs og velja bækur þær, sem út eru gefnar.
- c. Að hafa yfirumsjón með Listasafni ríkisins, þar til lög verða sett um safnið, og standa fyrir sýningum innan lands og utan á íslenzkri list, listiðnaði, bókum og handritum.
- d. Að hafa yfirumsjón með listaverkaskreytingum opinberra bygginga.
- e. Að láta gera íslenzkar menningar- og fræðslukvikmyndir eða að stuðla að gerð þeirra og styðja á annan hátt innlenda kvikmyndagerð.
- f. Að veita styrki til rannsókna á þjóðlegum fræðum, til athugana á náttúru landsins og til eflingar íslenzkri tónlist og myndlist.
- g. Að úthluta námsstyrkjum þeim og námslánum, sem og þeim styrkjum öðrum, sem fé er veitt til í fjárlögum og menntamálaráði er þar falið að úthluta.
- h. Að úthluta ókeypis fari milli Íslands og annarra landa til manna, sem fara til útlanda til námsdvalar o. fl.

- i. Að hafa á hendi yfirstjórn sjóða, er stofnaðir kunna að verða til eflingar listum 50 og vísindum á Íslandi, enda sé menntamálaráði falið þetta vald í stofnskrám 5. júní sjóðanna.
- j. Að efla á annan hátt íslenzka menningarviðleitni, eftir því sem tök eru á og hagur menningarsjóðs á hverjum tíma leyfir.

8. gr.

Menntamálaráðherra skipar forstjóra menningarsjóðs að fengnum tillögum menntamálaráðs. Skal honum falið að annast daglega stjórn og fjárreiður sjóðsins og sjá um framkvæmdir á ákvörðunum menntamálaráðs.

Laun forstjóra menningarsjóðs skulu ákveðin í launalögum, en þangað til það verður gert, skal menntamálaráðherra ákveða þau.

Forstjóri menningarsjóðs á sæti á fundum menntamálaráðs og hefur þar mál-frelsi og tillögurétt, en ekki atkvæðisrétt.

9. gr.

Með lögum þessum eru úr gildi númer lög nr. 7 frá 12. apríl 1928, um menntamálaráð Íslands, og lög nr. 54 frá 7. maí 1928, um menningarsjóð.

10. gr.

Lög þessi öðlast þegar gildi.

Gjört að Bessastöðum, 5. júní 1957.

Ásgeir Ásgeirsson.

(L. S.)

Gylfi Þ. Gíslason.

L Ö G

um vísindasjóð.

51

5. júní

FORSETI ÍSLANDS

gjörir kunnugt: Alþingi hefur fallið á lög þessi og ég staðfest þau með samþykki mínu:

I. KAFLI

Stofnun og verksvið vísindasjóðs.

1. gr.

Stofna skal sjóð, er nefnist vísindasjóður. Tekjur sjóðsins eru árlegt framlag úr menningarsjóði, a. m. k. 800 þús. kr. A. m. k. 5% af árlegum peningatekjum vísindasjóðs skulu lögð í sérstakan sjóð, er nefnist stofndeild vísindasjóðs. Höfuðstól stofndeildar má aldrei skerða, en heimilt er að verja vöxtum af fé stofndeildar til almennrar starfsemi sjóðsins.

2. gr.

Það er hlutverk vísindasjóðs að efla íslenzkar vísindarannsóknir.

Í þessum tilgangi styrkir sjóðurinn:

- Einstaklinga eða vísindastofnanir vegna tiltekinna rannsóknaverkefna.
- Kandídata til vísindalegs sérnáms og þjálfunar.
- Rannsóknastofnanir til kaupa á tækjum, ritum eða rannsóknæfnum.